

دائرة مخصوصه

درسمادنده باب عالی جادرسنده

محل اداره :

مشرط القلم

۱۳۲۶

اخطار :

مسلكمزه موافق آثار مع المنوويه

قبول اولنور

درج ابدله بن آثار احاده اولغاز

دين فلسفه ، ادبيات ، حقوق و علوم دن باحث هفته لى رساله در

مؤسلى : ابوالعلا زين العابدين - ح . اشرف اديب

تاريخ تأسيسى :
۱۰ تموز ۳۲۴

سنه لى	آلى آياغى	درسمادنده
۶۰	۳۰	ولايتده
۸۰	۴۰	ممالك اجنبيه
۸۰	۴۷	

درسمادنده نسخه بنى ۵۰ پاردر
قىرله دن مقوا بورو ايله كوندريليزسه سنوى
۲۰ غروش فضله آلنير
درسمادنده پوسته ايله كوندريليزسه ولايات بدلى
اخذ اولنور.

جناب حق بر شیء دیگر شیدن متسبب اوله ق خلیق بیورماز . فط شیء ثانی شیء اوب احتوا ایدر دیمه لری بو محاکمه دقیقه مبنی در . علمای ذوی الاحترام حضراتی طرفلرندن «فائده ایجاد» اطلاق ایدلیویده «حکمت ایجاد» تعبیر بیورلمه نده کی احتیاطده آروجه جالب نظر دقتدر . زیرا فائده غرضک باشه بر کسوة تعبیر لیلہ ساحه اصطلاح واستعماله عرض اندام ایتمیدر . دلالتجه ایکینی برایش . رزقه انبیا حضراتی ایسه عمیق ومدید مطالعه ومجاهده ایدرک بقصه ایهام ایدر تعبیراتدن توقی ایلہ ارزو ایتدکاره معانی به روح ویرمک درجده قوتلی الفاظی انتخاب بیورمشلردر .

فعل ایجاد آیت جلیله نک مفاد ظاهرینی اولان مبرنت الوهیت حکمتیه ابنا ایتسه ایدی حکمت مذکورمک همه حال رونما اولمسی لازم کلیردی . زیرا اراده فعاله سبحانیه مرادندن تحالف ایتمز حالبوکه معرفت الهیه هرکسه نصیب اولمسا . ارباب سعی واجتهاد اولان اعلایه منحصر قلمشدر . تظاهر ایدیورکه «افعال الهیه عین حکمتدر لکن حکمتله تبدیل ایدلز .»

اسکوبلی حافظ فرید

سلانیکدن

عالم اسلامی اویاندیره حق جاردلر :

مکرمه وجراند عریه

حوادث مراقبیسلری غزته اوکورلر . نه اولمش . نه اولیور ونه اوله حق اکلامق ایستلر . بوالردن بریمی اولیکی سنه لده صوک درجه مایوس اولمی ایدیکه :

— آدشوزم غزته لرا دییوردی . بارکارهیچده کندمزدن بحث ایتیورلر . اوله ظن ایدیورم که یازم شودنیا یوزنده کی موجودیتیمز خیالی . یاخوده شتون سیاسیهدم کی موقعمز خالی ...

دوشوندم . هیچجا جراند سیاسیهمز . مدایح حمیده وادیسه نده بلبل ایدیسه لده نه چارده فوائده عثمانیه مبحثنده ایماء مافی البسال ایلہ اولسون . ابکم ولال — دالمشدر ؛ فی الحقیقه محررین اسلامیهمزک همیت وغیرتلی مسلم ایسهده چه فائده که شداند استبداد ایلہ . منافع امتی محافظه خصوصنده پک بیجبال قلمشدر ایدی .

عصر منحوس حمیدی زواللی عالم اسلامی ظلماته سوق ایدیور . بشون عثمانیلری خاصه تفکرده بیلہ محروم ایتمکه چالیشیوردی . آجیدم . آجیدم ؛ غزته لرمزک ایفا ایدم کی وظائنی . اقتطاف ایتدیره کی فوائدی کوزاوکنه آلدیم .

ممالک عثمانیه واسلامیه نک وسعت وجسامته نظراً محتاج اولدیغمز وسائط ارتباطیه نک اکاهونی . وسائل اتحادیه نک اک مهمی اولباول غزته لردکی دیدم ؛ حالبوکه پایتختمزدده منتشر جرائدمنز اوله لال . مقررخلافتده متمکن محررلرمز بویله بیجبال اولنجه ایوام ؛ که آتیزدن پکده امید وار اولمیه جغمز بدیهی وآشکار ایدی . آه ! ... بونک

ایچون نیابلی ایدی ؟ ایلک اول پایله حق شیء . ظلمه قارشى عصیان . استبداد اوزرینه طغیان ایلمک ایدی . فط نصل ونه ایلہ ؟ اوت ! هاتندن آره صره صماخ تأثرمزی اوخشایان برمداهوز برحیات بولان وجود محتضرمرزده لطیف برتسلی حصوله کتیریورم ؛ خارجدن امید آتیزی بسلیان برشورا . دها ذی حس کوریلان دماغ متأثرمزدده خیف برهیجانہ وجود ویریور ایدی . شو قدرکه نهاتفک صدای لاهوتیسنی حنیله اذعان ایدمک وجدان موجود . نده خارچک شورای جاودانیسنی لایقیله حرزجان ایدمک انسان مشهود دکل ظن اولیور ایدی ؟ ... نهایت ظلم کانه ایرمش . جرم غایته وارهش اولمی که غیره لله ظهوره کلکه . ظالمینک قیامت قویمق اوزره اولدیغنی ازانہ ایدراشرط یوزکوسترمکه باشلادی . عاقبت این امت بارکاه کبریاہ واصل اولمش . بکای ملت درکاه انبیایه ایصال ایدمش بولملی که مغربدن تموز سنه ۳۲۴ ده بر فجر صادق طوغرق . نیشان سنه ۳۲۵ ده بر مهر شارق طلوع ایدیوردی .

له الحمد والمنه بوکون شمس منیر حریتدن فیضیاب حیات اولمقده بولنیورز . هر دللولوازم حیاتیه مزیده دوشونه بیلیمک سعادتتی احراز ایتمش کوریلیورز . بزى بو سعادتیه ایریشدیرن . مراد التهنیک تجلیسنه سبب یکانه بولان اتحادی محافظه ونقوییه خدمت ایتک هر فردمن ایچون نه مرتبهده بر دین حیات اولدیغنی تقدیر ایتکی اصحاب وجدانه . تقدیس ایلکی ارباب اذمانه بر اقریم . یالکز شونی سویلیه . حکم که : بز شمدی به قدر نه بلا چکدکسه اتحادسزلتدن چکدک . نه بلا کوردکسه عرفانسزلتدن کوردک ؛ الیوم نائیتی ایلہ بخیار اولدیغمز شودور حریت ومسعودیتیمز . بزى بشون عالم نظرنده کانه حقوقه مالک برمدنی ملت طانتدینی کی . کره ارض اوزرنده موجود اهل اسلام عندندهده کبه کاله سالک بررهبر امت اولدیغمزی اعلام ایتشدر . بناء علیه ظن ایدیورم که آرتق ال اله ویردک زمانمزد کادی . زیرا الکلی دفع اولوب کتیدی . شمدی ترقیات اسلامییه فی تأمین ایچون بشون عناصر اسلامیهمزک ال برلکیله چالیشمه . نه مانع اوله حق برقوت موجود دکدر . فرصتی بکلیمه ملی . انی ایجاد ایللی دیرلر . بز مادام که کابوس استبداد آلدنده ازیدیکمز زمانلری بهانه اتحاد ایدرک اثبات موجودیت ایدمدیگمز اعذار ایتک ایتیورز ؛ حال حاضرده نه کی تشبثانده بولنیورز که عذرهمزی عندالله وعنداناس مقبول کوستربه بیلہ جکمزى حق کندمز ایمانلم مستریخ اولهلم ؟

بوکون بز حقوق مدنیهمز اولدقیجه مالک مهم بر حکومت بولنیورز . موقعمز محیطمزمکز اسلامیتک بزدن بشقه محله بولمسنی نه تجویز ایدر . نه مساعده . الله خلافت کی جهانقیمت بر نعمت عظاممزدده وار . عرفان وترقیدده اک ایلروده بولان بزدر . نیچون حالا بخاراده بولان قرداشلرمزک تذلاتندن متأثر اولمیه جغمز ؛ ندن الان فایده کی اخواتمزمک فلاکتیه بی حس طوره جغمز ؛ الویرمدیم کی (اوانز) ایلہ (نباشد) فرقنی محو اوله درجه سنه قدر سوروکله دک ؟

علویتنی انکاره یاتتمك؛ كيف ما يشاء الله بولان برصاح. تلندن صاحبك حسن وقبحنی استدلاله قائلشمق قدر بی سوددر .

مثلاً: دینز، بزه کونده بش دفعه طویلانه، بریره کلکه امر اییدیور. هر درلو اوامر ونوا دیسند عادتاً عیانا کورلدیکی اوزره البت بونده ده پك چوق معانی دقیده و اشارات رقیقه واردر. طویلانهلم، کورملم، کوریشلم، احوالزده مطاع اولم، کلیانز اولور ایسه آرایلم. ندر احوالی بیلم، دردینه درمان اولم، چالیشلم. بوصورتله ده تعاین علی البرده بولنه جغز، بوجهلده اتحاد واتفقزی همه آن تجدید و توثیق ایله جگزر. یوقسه نمازی جماعتله قلمقدن ایسه هر کسك نروده قولایینه کلیر ایسه اوراده قلمسی ممدوح و مباح اواق ایجاب ایدر ایدی. لاجرح فی لدین. دقت ایدلسون که بو بر محله و جزار اعلایسه هر کون ایچون اتحاد واجتماعه بروسپله حسنه اوله جغنی کبی؛ برکوی، بتون شهر خلقی ایچون ایسه هفتاده بر جمعه اجتماعی بوامنیبی تأمین ایدر. حتی برشهرده ایکی محله جمعه قلمسی جائز اولوب اولمیدینه اختلاف اولمشدر.

ایشته، خلقی بویله عمومیتنه بر محله طویلانه جقلم، خطیب اقدی ده کنیدیله رینه لازم کلان وعظ ونصیحتی ایفا، احوال پشون اسلامییه دائر معلومات محله اعطا ایده جگدر. [۱] برده سنده بر عموم دنیا مسلمانلری ایچون دهابیوک، دهامؤثر بر اجتماع امر اولمشدر. اوصورتله که: هر عملکننده، هر اولکد بولان مسلمانلرک نافذ الکلم اغیاسی همه حال عمرنده بر کره اولسون عموم دنیاده کی اخوان دینلرینک سفیرلری الله برلشتمک. تعاطی افکارده بولفق اوزره شرعاً مبین اولان محل مبارکیه قدر شد رحل ایتمی فرضدر. حتی بابایه آرو، اولاده، آرو اوله رق فرضدر. بابا حج ایتمکله اولاددن فرض ساقط اولمز، ایشته بو ذوات محترما ده بویله وقت معینه طویلانه جلمز، نمازده بولنه بلمز، منافع اسلامیلری باینده تصادم افکاره چالیشه جلمز، آمال علویله لری حقنده یکدل ویکو جود اوله نك اسبابی دوشونه جگلمز، قرار ویره جگلمز، یوز بیکارجه جماعت برامانه بالاقندا اداء صلاة ایدرک اتحادک صور تطبیقیه سینه دائر کوزل بر مثالی ده رأی العین مشاهده ایده جگلمز، وهر دائم بوصورتله بر برلندن خبردار اوله جلمز. طنجه ده کی بر مسلمانک املی نه ایسه کشمیرده کی بر مؤمنک ده غرضی او اوله جق، قزنده کی احمد ایله ترانه والده کی محمدده عینی حس ایله متحسین بولنه جلمدر.

شمدی دوشونهلم. دینزک امری بویوله ایکن بزحج شریب ادا نی دکل، جهی ده دکل، بش وقت فرضلری ایفا ایتمک زائد بر عمل کبی کورر، نمازه کم بقار؛ ویا خود نمازی قیلسمهق بیله جامعه

[۱] خطبه لرك زمانزده کی صور اناسنه باقورق اعتراض ایدلسون بز وضع اصلی نظر اعتباره آلهرق سوز بولك ایستیورز. ذاتا خطبه لرك حقنده یته بوصیفه لرده ایجه مهم بحثلر کچمیشیدی. انشاء الله تعالی اوبخشلر نتیجه سینک ده یقین بر زمانده نشر ایدلدیکنی کورمکله ده بختیار اولورز.

یتشمیدی که آکلانسه مامله یورلرجه ملیون اخوان دینزی تحت اسارت ویردک؛ آو ترالیاده کی، جاواد کی مسلمانلرک حال سیاست واسار تدرینه وافقیمی یز؛ هند کی، چینده کی اهل اسلامک طرز اداره و معیشتلرینه آکاهی یز؛ اوزاقلره کینمیلیم. هم حدود بولندیغمز ایرانک فلاکتی، قافناسک اسارتی، قریمک خجانی، مصرک سیاستی، وسائر وسائر نک عطائی کاهی حقهها معلومنز یدر؛

اونری ده براقلم؛ یا عجبا اوج باغارستان درجه سنده اوله بیله جکی یتیناً اعتماد ایتدیکم جزیره البرک دوجار بولدیغنی جهالتی اولسون دفعه تشبث ایتدکمی؟

یا اوحالده یازیق دکل بزه؛ بودرجه بطالته حیرت اندر حیرت؛ ایها المؤمنین! ندر بو غفلت؛ ای معشر اسلام! ندر بو عطلالت؛ بز نیچون بر بریره بوقدر بیکانه قلدق؛ بز ندن کندمزی بورتبه حیرته صالدى؟ بزم بوسکوئمز؛ جلمزده کی مسکته، دینزده کی مفسدته حمل اولنیور! (حاشا ثم حاشا). جلمز اودرجهیه وارمش که بونی اغیار لسانندن دکل، یارده هانندن ده ایشیدیر اولدق. [مسلمانلر هانکی ایشی ترقی ایتدیرمشلر، ایتدیرمشلر دکل هانکی ایشی ترقی ایده بیلیمشلرکه ...] کبی انکار لایمانیه کندمزی معروض بولدق. آوروپاده دین علیه هجوم وارمش، ذاتاً ترقیات ده اوسایده میدان آلمش. فطه هانکی، ونصل دین حقنده؛ بورالری دوشونمکه احتمالکه لزوم کور، کمترین هممز، اخوانزده ایچدن ایجه، آلتدن آله هذیان، اغفالته قایلیم رلر. سویلدکلی سوزک نریمه واره جغنی بلکه دوشونمکه زین همغه رمز، اولادسز آچیدن آچینه، طرغورودن طوغرییه جریانه، اضلالانه آتیلدورلر.

اوت؛ مسلمانلر هانکی ایشی ترقی ایتشلردر دیمک، مسلمانلق مانع تمدندر دیمک دکلیدر؛ بزه کی عادتاً بلاهته باقلی که بونی سویلیان نظم حالده بولفق ایستیور؛ چونکه اودات ده بیایرکه وقتیه اندلس ایله بغدادک ساحه رقابته چیقدقلری زمان عالم مدینت واسلامیه افاضه ایتدکلی معالی واثاره ایتدکلی فیوضات، بوکونکی آوروپا ترقیاتک منبى اولمشدر. اووقتکی اسلامیت بشته، شمیدی اسلامیت ینمی بشته در؛ شریعت اسلامیه مز اس ترقیات ومدینتی جامع ایکن هیچ نصل اولور که بایند ترقی کورلسون؟

احکام جاییله اسلامییه شویله طحیجه بر نظرده بولفق، نه کبی اساس تعالی ونه درلو قانون عالی بی احتوا ایتمکده بولندیغنی آکلامق ایچون کافیدر.

اوت؛ بزه معترفز که حال حاضرده مسلمانلر اوقدر ذلیل، اوقدر حیدر در که بو حاللرله اداء علویت ایتلمی پك کولنج دوشیور. فقط بونده مسلملری قباحتلی طوته بیایرز اما مسلمان اولملری جهتندن دکل، بلکه هان بتون افعال وحرکتلری خلاف شرع شریب بولنه سندن، اوامر الهیه واحکام شرعییه بحق تمسک واطاعت ایتدکارندن طولای. یوقسه افرادک جهالته باتوب ینک

قدر کیتکی لزومسن بر قعل عد ایدر، جهاته یان چیزار ایسه که حق الانصاف دوشونمیلدر: قباحث دیانتده میدر؟ یوقسه افرادده می؟... دور استبداد بزی بویه سویلمکدن دکل، حتی دوشونمکدن بیله شدتله منع ایتشیری. شمدی ایسه آرتق حرز. حنائی بلا پروا عرض ایتکدن چکناملی بز. بز دوات عثمانیه مزى قوی الشکیمه کورمک ایستورز. شو حالده عنصر اصایی بولنان اسلامری وایلامیتی تقویه ایده جک وسائله نادن تولى ایتورز؟

فکر عاجزانه قلیر ایسه بزجه بو خصوصده یاسیله جق شی، ایلک اول مأمورات شرعیه دن اولان اتحادی تأمین و بونک ایچونده جرائد عربیه تأسیس و تعمیم ایلمکدر.

بین الدول فرانسزجه نصل بر لسان رسمی و عمومی ایسه بین الاسلام عربجهده اویله بر لسان رسمی و دینی در. عربجه دنیانک هانکی بر مسلمان مملکتده یبانیجی کوریلور؟ عجبیا هانکی بر جمعیت اسلامیه عربجه یازلمش. رائره بیکانه بولنور؟ بناء علیه جرائد عربیه بزه هانکی منفعتی تأمین خصوصنده عاجر قالور؟ یازق که بزم بوبابده هیچ بر تشبهنم یوق. قالدی که بو خصوصده افکار عمومی بی احضار و اماله ایچوزده قونفراسلر، مؤتمر لر ترتیب و اعطاسی تحت وجود در. بونک ایچون مرکز اولاق اوزره استانبولدن، مدردن مهم بر محل مبارک وارد در:

مکه مکرمه! (کرهها الله تعالى الى يوم القيمة)

اوت! مادام شریعت غرای احمدیه اورایه بهر سنه یوز بیکارجه حجاج جمع ایدیور، و مادام دنیانک هر نقطه نندن همده اغیا اولوق اوزره بک چوق اصحاب اذعان اورایه کیتمکه مکلف بولنور؛ بز بوندن استفاده ایده مزى بز؟ بز شمدی به قدر بو خصوصده برشی یامدق! فقط مادام اسلام لک ترقیسنی حصوله کتیرمکه چالیشه جغز: استحصال امل حتمنده بوزم ایچون نه بیوک بر وسیله جهیله، و نصل بر نعمت جلیله در. و اسفا که: اورایه طریلانان حجاجز معارفسنلک بلیه سیله دیلسنلک! سیئه سیله یکدیگری هان قارشودن کورمکه استکفا ایدیور، احوال روحیه و سیاسیه مزجه هیچ بر بحث بیله کچمور. دهها کچن کونلرده موسقو واده عموم اسلامو دلکه لرندن مرکب بر قونفره یاییلور ایدی! بوندن اونلرک نه قدر استفاده ایتدکرینی آکلامق ایچون بشته دکل، یالکیز بزم دهها یقین زمانلرده نه قدر ضرر کوردیکمزی تصور کافیدر. حالوکه اونلر اورالرده یوز، ایکیوز، نهایت نهایت بیک کشی طویلایه بیایورلر. بویه ایکن نه مشکل املری، نه یمان مقصدلری استحصال ایتدیلر! یاز؟... اوت یاز؟... دهها جوار مکه بی بیله تمدین ایده مدک؛ حالا اونلره بزمده مسلمان اولدیغمزی بیایدیره مدک؛ الآن عربان زیارت بیت الله کلان حجاج مسلماننک جیبنده کی اوچ بش آلتونی چالاق ایچون بغیر حق قتل

نفوسی مباح صانیور؛ عرب اولیان، عربجه سویلیه میان سفرای مؤمنینه مشرک دیور و اویله طانیور. کچمشه تأسف فائده ویرمز. فقط کچمش اولماسنه چالشمق لازمدر.

قطعیاً دیه بیلیرم که بزم مشرک اسلامک ترقیاتی آرزو ایدیور ایسه که مکه مکرمه به اهمیت ویردم... زیرا... حکومت عثمانیه مزى مغلوب اولمز بر صورتده تقویه ایده جک وسائلی آنجق اوراده الله ایده بیلیرز، اوراسی عادتاً مقرر علوم مدنیه مز و منبع سیاست اسلامیه مز اولوق اوزره پایتخت درجه نده بر اهمیت سیاسی ویرالمی؛ و بتون السنه اسلامیه غزته و کتابلر اوراده نشر اولملی؛ سیاسی، اجتماعی نظم لر اوراده اعطا ایدلمیلدر. اک مهم مکتبلر مز اراده آچیلمی، بزور اتحاد بتون دنیایه اورادن صاچیلما ایدر. اوراسی اویله بر حاله کتیرالمیلدر که مکه مکرمه بی کورن ذات کنیدیسنی بتون مالک اسلامیه بی کورمش ظن ایله جک درجده زبده آمال ملته مطاع اولدیغمه قائم دیسون؛ احوال اسلامه واقف اولوق آرزو ایدن بر مسلمان مکه مکرمه بی کورمکه حصول امله نائل اوله جق مرتبه انموذج احوال امته واقف اوله جغه قناعت ایتسون. دیلاریمز مکمل بر مکتب عرفاندن ایریشسون، مکه یلیریمز منتظم بر مکتب عمرانیه کیریشسون... بومقام مقدس ذاتاً شرافتی وارهرکون بش وقتنده اورایه توجه ایدیورز؛ وجهیمز ماملاتده استانبوله ایسه عباداتده مکه مکرمه یدر. بزم متر خلافتمز در سادات ایسه مرکز دیانتمز مکه مکرمه در. اهل اسلامک مدنیت حقیقه دن؛ مدنیت اسلامیه دن بحق مستفید اولمیری تأمین ایتک مرکز عرفانک آنجق مکه مکرمه اتحاد ایدلسیله قابل اوله جندر ظن ایدیورم.

مکه مکرمه نک مرکز عرفان اولمی استانبوله مضرت ویرمزی کی بر فکر خاطر لاق نمکدر. لکن معارف حقیقه، مدنیت اسلامیه اساسی بر صورتده تلقین و تعمیم ایدیلر ایسه ظن ایتیم که بر زبان کورلسون. هیچ اولمز ایسه باری اورایی بر مرکز توزیع اولوق اوزره احضار ایدلم.

چونکه اوراسی محققدر که سائر طرفک، بتون دنیانک فوقنده بر سوقع مقدسدر. زیرا اجاب خالق کائنات بیت معظمی اورایه تأیس ایتدیرمش. بتون اهل ایمانک قبله توجهی اولوق اوزره اورایی تشریف ایشدر. بناء علیه هر وجهه بشته محلدن زیاده ایش کوریر. اولیاء اموریمز، اصحاب قنارمز، ارباب قلممز بو بابده اعمال فکر ایده جک اولورلر ایسه بک چوق استفاده ایدیله بیله جکی بک قوتله امید ایدیورم. دولت و مالنک تشبهنه بحق چالیشان دکرلی پیشوالرمزک، اسماعیل غصبرنسکی کی اتحاد و ترقی جولرمزک جولان لویلری اورایهده شامل اولمامایمیدر؟ حجاج مسلمین بو محترم ذواتک ارشاداتدن محرومی قالمیلدر. هله محمد فرید وجدی افندی حضرتلرینک بو بابده نه قدر همی، نه قدر خدمتی اولمز؛ امتک اتحادیه، ترقیه کمالیه تشنه لکی

« حاشیه »

(۴۲) نومرولی صراط مستقیممزمده (عالم اسلامی اویاندیره جق چاره لر : مسلمانلر قونغرهمسی) نامی آتند یازیلان سطرلر فکر عاجزانهمی تحریک ایتدی . شو سطرلری قاره لدم . متصدم : دین ومائمه بر خده ندر . آرتق ، اکسیک دییوب یازدم . نقصانلرم قابل اکمل کوریلور ایسه اتنامه نی اصحاب همتک لطفلرندن بکارم . بوباده ارباب علاقه نک بر از اولسون دوشونملری فرضدر ظنندیم . برده سویلکارمزدن (پان اسلامیزم) فکریله تجاوزی آمال بسلامکده اولدیغمزمه حکم ایدلک غدر وظامدر . مرادمن تکرار ایدرزکه ادانه موجودیت ومحافظة حقو قدر . نقطه انساخجه سنه !

ع . م

عالم اسلام :

الواح انباء

روسیه دوماسنده قریم مبعوثی مفتی زاده اسماعیل میرزانک

نطقی [۱]

« بیوک روسیه نک وکیللری اولان افندیلر حضراتی ! بومسئله دن طولای بنده برقاچ سوز سویایه حکم . مسئله بز مسلمانلرجه پک اهمیتلی بولمائه برابر برچوق و قکیزی اشغال ایتیه حکم . فقط دقکیزی رجا ایدرم .

وولغانهری بویوندکی ولایتلرده بر چوق « دونه - کدرشن » اهالی بولاندینی معلومکزددر . بونلر اون یدنجی عصرده جبراً تنصر ایتدیرلمش ویاخود میسیونرلرک غیرتی ووعده اولان عطایا ایل [صاغ جناحدن تکدر صدالری ، رئیسک چنغراغی] خرسیتیان دفترلرینه قید اولمش خللدر . [صاغ جناحدن : حدینی تجاوز ایدیور . بونلری سویله مک ایچون عسکری البسه سنی چیتاروب پیدزاق کیمه لی ! ندالری] بو اهالی ایچون مخصوص کایسالر بنا ایدلمش ایدی . فقط بونلره کوروب چبتان اولیوردی . بودوندرلمش خلنک خرسیتیانلنی ویدیندارانی رهباه یورطادن ، طاووقدن وسأرددن رشوت ووروب خفیاً دین اسلامه خدمتدن عبارت ایدی . [صاغ جناحده کورلی : بونه چیرکین سوزلر بو ! ندالری] یچاره دونه لر وجدان عذابی چکیورلر ایدی ، چونکه خفیاً ایش کورمک وحکومه قارشو وارمق مسلمانلر نظرند کناهددر . [صاغ جناحدن : کنج ترکلر اونوتیلدیمی ؟ صدالری] بوصیتیتیلردن دونه لرک برخلیسی ترک دیار وهجرته مجبور اولدی . لکن جناب حته شکرلر ازلسون

[۱] بوسنه نک مایسی اوآخرنده سربستی ادیان مسئله سنک دوماده مذاکره سی اثناسنده بوخصوصده کی سربستی یی تقیید ایتک ایستین صاغ جناح قارشی ایراد اولنان نطقلر میاننده اسلام فرقه سی نامنه آیان اولمشدر .

وار . کچن سنه ازمیردن ردیفلرک سالانیکه سوق اولنه جفی زمان افرادک همان هیچ بریسنده ، فکر حریت موجود دکل ایدی . هیچ بریسی خاتان مخلوعک ظلمندن آگاه ، بولمبور ایدی ، برقاچلرینه کیفیت آچیلدینی وقت کندیلرنده بیوک برتردد نمایان اولدی . هله بعضاری بزم کفرمزه یوریه جک درجه یه وارمشلردی (ممکن دکل ! پادشاه ، عصیان ایدنلره یاردمی اولور ؟ نعوذ بالله .) دیورلردی . فقط برده او قهرمانلری کادکاری وقت کورمیلیدی کک یولده ، کک روم ایلنده ایش کندیلرینه اکلاتلش ، دینک ایاقلر آلتیه آلمسینه سبب هپ باشده کیلر اولدینی اقناع ایدلمش کندی مشهوداتلری برر شاهد کوسترلش : برآنده برق خاطف کی ذهنلری حرکت کله رک « یاحریت یا اولوم » دیه قیام ایدنلرک ایلک صفته کچمشلر . آناسندن طوغه دینی کوندن برو حریت ، وطن مات اقر دیسی ایشتماش برنفرک دین کله فی ایشتمشی احوال حاضرمنز حتمده بر ایکی قونفرانس دیکله می کندینی فصل بر قهرمان حریت درجه سنه ایصال ایتدیکنی ایجه دوشونملیدر . بوجدا شایان دقت و آتی ایچون موجب امنیت وتسلیتدر .

دیمک که ملتده نور ذکا تمامیه مشهود ، آکلاشیلیرکه امتده فکر اتحاد کمالیه موجود . هذا من فضل الله . بوده شبهه سزدرکه اشبو قابلیت ، روم ایلی به سوق اولنان سکیز اون طابور افرادینه منحصر اوله من . عموم افرادمنی بویله بوله جغزه قطیماً امنیتمن وارددر . هله بر کره مک مکرمده ارشادات باشلاسون ، ایجاب ایدن ذواته دعزت تذکره لری یازلسون : پک آز زمانده کوردجکر که عالم اسلامیت بشقه بر حاله کلش اوله جتدر . عربلردن طوت مصریلر ، بربریلر ، فایلر ، زیدیلر ، ایرانیلر ، افغانیلر ، هندیلر ، ترکلر کوردلر ، لازلر ، آرنالوودلر ، چرکسلر والاصل دنیا یوزنده موجود کانه اهل ایمان یوزلرینی بزه چویرمشلر لیک دیمک ایچون الصلا یا مؤمنین دیمیزی بکلیورلر . جرمانلر ، مجاریلر ساقسونلر . اسلاور ، غره کار متصل اتحاده چالیشوب طورییورلر . ادامه موجودیت ، ومحافظة حقوق ضمنتده بز معاشر مسلمانیک سعی وغیره بیکانه طورمی طوغریسی هیچ بر وجهله شایان مسامحه کوریه جک قصورلردن دکلدر . نهدن چکینیورز ؟ قولاقلمزک دینده بر [پان النیزم] چیتاروب بوکون عادتاً مهددانه بر وضعیت آلمغه چالیشیورلرده بز ندن اسلاملرک ال برلیکله ترقی وتمدن خصوصنده چالیشمندن بحث ایتیم بز ده انسان دکلز ؟ اسلاملر وار دیه انسانلرک موجودیتده تأسف ایدن لوردلر ، مسیونرلر ایشیدیورز . ندر بو حقارت ؟ حقوق دولی حتمیه حتمزده تطبیق ایتدیردیمیورز . ندر بوزلت ؟ بز آرتق ای اخوان دین ! اویانلم ! اویانلم که کاربان کوچوب کتدی ! السلام علی من اتبع الهدی .

مغنیسا مدرسی

محمد عالم